



Ilinniartitaanermut, Kultureqarnermut,  
Timersornermut Ilageeqarnermullu  
Naalakkersuisoq  
[ikiin@nаноq.gl](mailto:ikiin@nаноq.gl)

Ulloq: 11-10-2024  
J.nr.: 01.39.01.03-00276

**Kultureqarnermut, Ilinniartitaanermut, Ilisimatusarnermut Ilageeqarnermullu  
Ataatsimiititaliaq peqatigalugu ilisimatitsiffiusumik ataatsimeeqatigiinnissamut qinnuteqaat**

Matumuuna Ilinniartitaanermut, Kultureqarnermut, Timersornermut Ilageeqarnermullu Naalakkersuisoq ilisimatitsiffiusumik ataatsimeeqatigiinnissamut Ilinniartitaanermut, Kultureqarnermut, Ilisimatusarnermut Ilageeqarnermullu Ataatsimiititaliamit aggersarneqarpoq. Ataatsimiinneq ulloq 14. oktober nal. 11-12 ataatsimiittarfik Erling Høeghimi ingerlanneqassasoq ataatsimiititaliamit kissaatigineqarpoq. UKA2024/25 pillugu Naalakkersuisut suliarinninnerannut atatillugu Filmiliortarfik pillugu ilisimatitsissuteqartoqarnissaa ataatsimiititaliamit kissaatigineqarpoq.

Ataatsimiititaliamit kissaatigineqarpoq:

- a) Filminstituttip filmiliortarfiullu ataatsimoortinneqarnissaannut siunnersuummi suut pissutaanersut pillugit ilisimatitsissuteqartoqarnissaa,
- b) Filminstituttip filmiliortarfiullu ataatsimoortinnerini pitsaaqutissat ajoqutissallu pillugit Naalakkersuisoq ilisimatitsissuteqassasoq,
- c) Inatsissatut siunnersuutip piareersarneqarnerani Filmiliortarfik ataavartumik Naalakkersuisup suleqatigisimavaa,
- d) Institutti tamakkiisumik pilersinneqareerpat Filmiliortarfiup ingerlanneqarnera instituttimut nuunneqarnissaanut Naalakkersuisoq ammava,
- e) Filmiliortarfimmik ingerlatsineq instituttimut nuunneqassagalarpat filmiliornerup iluani piginnaasalinnik siuarsaanermut filmiliortarfiup misilittagai pillugit Naalakkersuisut qanoq qulakkeerinninniarpat, aammalu
- f) Naalakkersuisup aamma Kommuneqarfik Sermersuup akornanni aningaasalersueqataasarnissaq pillugu oqaloqatigiittarnerit pillugit ilisimatitsissuteqartoqarnissaa

Ullulionneqartoq piffissaliunneqartorlu naapertuutinnippata, tamanna pillugu ataatsimiititaliap allattaanut mail una aqqutigalugu [nimha@ina.alla.gl](mailto:nimha@ina.alla.gl) ataqatigiissarneqassasoq kissaatigineqarpoq

Kiisalu apeqqutit siuliani allassimasut pillugit allakkiamik kalaallisut danskisullu ataatsimiititaliap Naalakkersuisumik ilisimatitsiffiusumik ataatsimeeqateqarnermut atatillugu pissarsitinneqarnissani ataatsimiititaliap kissaatigaa. Allakkiaq uunga nassiteqquneqarpoq [inatsisartut@ina.alla.gl](mailto:inatsisartut@ina.alla.gl) assilineran ilanngullugu uunga [nimha@ina.alla.gl](mailto:nimha@ina.alla.gl).

Kultureqarnermut, Ilinniartitaanermit Iisimatusarnermit Ilageeqarnermullu Ataatsimiititaliaq  
sinnerlugu

Inussiarnersumik inuulluaqqusillunga



Najaaraq Møller